

ხელშეკრულება N 58/8  
სახელმწიფო შესყიდვის შესახებ

ქ. თბილისი

„11“ აპრილი, 2019 წ.

**1. ხელშეკრულების დამდები მხარეები**

1.1. ერთი მხრივ, საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტრო (შემდგომში - შემსყიდველი), მინისტრის მოადგილის გიორგი წოწკოლაურის სახით და, მეორეს მხრივ შპს „კოპი რუმი“ (შემდგომში - მიმწოდებელი), დირექტორის ნათია ჩადუნელის სახით.

**2. ხელშეკრულების საგანი და ღირებულება**

2.1. შემსყიდველმა განხორციელა ელექტრონული ტენდერი (NAT190003486) საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს ცენტრალური აპარატის 2019 წლის ასიგნებების ფარგლებში, საბეჭდი მოწყობილობების სახარჯი მასალის - კარტრიჯების შესყიდვაზე (CPV 30125100) და მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი 2020.00 (ორი ათას ოცი) ლარად (შემდგომში „ხელშეკრულების ღირებულება“).

**3. შესყიდვის ობიექტის მახასიათებლები**

3.1. შესყიდვის ობიექტების აღწერილობა, რაოდენობა და ერთეულის ფასი განისაზღვრება ელექტრონულ ტენდერში მიმწოდებლის მიერ წარმოდგენილი თანდართული დოკუმენტის - „ფასების ცხრილის“ შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს.

**4. საქონლის მიწოდების პირობები**

**4.1. ვადები:**

4.1.1 საქონლის მოწოდება განხორციელდება ერთჯერადად ან ეტაპობრივად ხელშეკრულების გაფორმებიდან არაუმეტეს 30 დღის განმავლობაში.

**4.2. ადგილი:**

4.2.1. საქონლის მიწოდება განხორციელდება შემსყიდველის მისამართზე: საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს ადმინისტრაციული შენობა - ქ. თბილისი, აკაკი წერეთლის გამზირი N144.

**5. შესყიდვის ობიექტის მიღება-ჩაბარების წესი**

5.1 შესყიდვის ობიექტის მიღება-ჩაბარება განხორციელდება, საქონლის მიწოდების შემდეგ, წინამდებარე ხელშეკრულების 14.1 პუნქტით განსაზღვრული ხელშეკრულების შესრულების კონტროლზე პასუხისმგებელი პირის მიერ მომზადებული ინსპექტირების აქტის შესაბამისად გაფორმებული მიღება-ჩაბარების აქტის საფუძველზე (დანართი N1).

**6. ანგარიშსწორება**

6.1. ანგარიშსწორების ფორმა - უნაღდო ანგარიშსწორება ლარში;

6.2. ანგარიშსწორება იწარმოებს, ფაქტიურად გაწეული მომსახურების შესაბამისად, მხარეებს შორის გაფორმებული მიღება-ჩაბარების აქტის გაფორმებიდან 10 სამუშაო დღის განმავლობაში.

**7. მხარეთა ვალდებულებები და უფლებები**

7.1. მიმწოდებელი ვალდებულია:

7.1.1. უზრუნველყოს საქონლის მიწოდება ხელშეკრულების პირობების შესაბამისად;

7.1.2. უზრუნველყოს გამოვლენილი დეფექტებისა და ნაკლის აღმოფხვრა საკუთარი ხარჯით (ტრანსპორტირების ხარჯის ჩათვლით), ხელშეკრულების მოქმედების პერიოდში და მოქმედების ვადის გასვლიდან 6 (ექვსი) თვის განმავლობაში;

7.1.3 დროულად განიხილოს შემსყიდველის მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2. შემსყიდველი ვალდებულია:

7.2.1. დროულად მოახდინოს ანგარიშსწორება მიმწოდებელთან ხელშეკრულების პირობების შესაბამისად;

## **8. მხარეთა უფლება**

8.1. მიმწოდებელს უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება.

8.2. შემსყიდველს უფლება აქვს:

8.2.1. აწარმოოს მოწოდებული საქონლის ხარისხის და რაოდენობის კონტროლი;

8.2.2 ცალმხრივად შეწყვიტოს ხელშეკრულების მოქმედება იმ შემთხვევაში, თუ მიმწოდებელი ვერ უზრუნველყოფს ხელშეკრულებით ნაკისრი ვალდებულებების ჯეროვან შესრულებას. ხელშეკრულება ცალმხრივად შეწყვეტილად ითვლება, აღნიშნულის შესახებ, მიმწოდებლისადმი გაგზავნილ წერილობით შეტყობინებაში მითითებული ვადიდან.

## **9. ფორს-მაჟორი**

9.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

9.2. ამ ხელშეკრულებაში „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და მომსახურების მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## **10. ხელშეკრულების პირობების გადასინჯვა**

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

## **11. სადავო საკითხების გადაწყვეტა**

11.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.

11.2. თუ ასეთი მოლაპარაკებების დაწყებიდან 10 (ათი) დღის განმავლობაში შემსყიდველი და მიმწოდებელი ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს.

## **12. ხელშეკრულების შესრულების შეფერხება**

12.1. თუ ხელშეკრულების შესრულების პროცესში მხარეები წააწყდებიან რაიმე ხელშეშმელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

## **13. ხელშეკრულების პირობების შეუსრულებლობა**

13.1. ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს დაეკისრება პირგასამტეხლო სახელშეკრულებო ღირებულების 10%-ის ოდენობით.

13.2. ხელშეკრულების პირობების არაჯეროვანი შესრულებისათვის (მათ შორის ვალდებულების შესრულების ვადაგადაცილების დროს) მიმწოდებელს დაეკისრება პირგასამტეხლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02%-ის ოდენობით.

13.3. ხელშეკრულების ნაწილობრივ შესრულების შემთხვევაში, მიმწოდებელს დაეკისრება პირგასამტეხლო შესასრულებელი (დარჩენილი) ვალდებულების შესაბამისი ღირებულების 5%-ის ოდენობით.

13.4. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

13.5. იმ შემთხვევაში, თუ მიმწოდებლისთვის დაკისრებული პირგასამტეხლოს ჯამური ოდენობა გადააჭარბებს ხელშეკრულების ღირებულების 1%-ს, შემსყიდველს უფლება აქვს შეწყვიტოს ხელშეკრულება.

## **14. ხელშეკრულების შესრულების კონტროლი**

14.1. ხელშეკრულების შესრულების კონტროლს განახორციელებს ხელშეკრულების შესრულების კონტროლზე პასუხისმგებელი პირი, სამინისტროს ინფორმაციული ტექნოლოგიების დეპარტამენტის ტექნიკური უზრუნველყოფისა და ადმინისტრირების სამართველოს უფროსი ლაშა ენდელაძე.

## **15. ხელშეკრულების შეწყვეტა**

15.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულების შესრულებას, ან მოქმედი კანონმდებლობით დადგენილ სხვა შემთხვევებში.

15.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

15.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

**16. ხელშეკრულების მოქმედების ვადა**

16.1. წინამდებარე ხელშეკრულება ძალაში შედის მხარეთა მიერ ხელმოწერისთანავე.

16.2. ხელშეკრულების მოქმედების ვადა განისაზღვრება 2019 წლის 30 ივნისის ჩათვლით.

**17. ზოგადი პირობები**

17.1. ხელშეკრულება შედგენილი და ხელმოწერილია ელექტრონულად (დოკუმენტზე შესრულებულია კვალიფიციური ელექტრონული ხელმოწერა ან/და დოკუმენტი დამოწმებულია კვალიფიციური ელექტრონული შტამპით).

**შემსყიდველი**

საქართველოს ოკუპირებული  
ტერიტორიებიდან დევნილთა, შრომის,  
ჯანმრთელობისა და სოციალური  
დაცვის სამინისტრო  
საიდენტიფიკაციო კოდი: 202486559  
ქ. თბილისი, 0119, წერეთლის გამზ. N144

---

გიორგი წოწკოლაური  
მინისტრის მოადგილე

**მიმწოდებელი**

შპს „კოპი რუმი“  
თბილისი, ნუცუბიძის ფერდ. II მ/რ,  
III კვ. კ.5, ბ.35  
ს/კ 404389425  
სს „საქართველოს ბანკი“,  
BAGAGE22  
ა/ა GE52BG0000000298503600

---

ნათია ჩადუნელი  
დირექტორი

სახელმწიფო ბიუჯეტიდან სამინისტროს აპარატის ხარჯებისათვის  
გამოყოფილი ასიგნებების ფარგლებში მოწოდებული საქონლის  
მიღება-ჩაბარების

აქტი

ქ. თბილისი

-----, ----- წ.

ჩვენ, ქვემოთ ხელის მომწერნი, ერთის მხრის, შემსყიდველი - საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს ადმინისტრაციული დეპარტამენტის უფროსი -----

და, მეორე მხრივ, მიმწოდებელი - -----

(ორგანიზაციის დასახელება)

-----  
(ხელმძღვანელის თანამდებობა, სახელი, გვარი)

ვადგენთ ამ აქტს მასზედ, რომ -----

---- წლის ----- N----- ხელშეკრულების ღირებულება შეადგენს ----- ლარს.

----- თვეში მოწოდებული საქონლის ღირებულებამ შეადგინა ----- ლარი.  
(თანხა ციფრებით და სიტყვიერად)

ნაზარდი ჯამით შესრულებულია ----- ლარი.  
(თანხა ციფრებით და სიტყვიერად)

ანაზღაურებულია ----- ლარი.  
(თანხა ციფრებით და სიტყვიერად)

მიიღო

ჩააბარა

1. ადმინისტრაციული დეპარტამენტის უფროსი

1. დირექტორი

2. პასუხისმგებელი შემსრულებელი

2.

ბ.ა.

ბ.ა.

ფასების ცხრილი

პრეტენდენტის დასახელება: შპს „კოპი რუმი“

N	მოსაწოდებელი საქონლის დასახელება	რაოდენობა	განზომილების ერთეული	მოდელი	ერთეულის ფასი	ჯამური ღირებულება	მწარმოებელი (ქვეყანა და კომპანია)
1	HP 1522/1505 (CB436AD)	5	ცალი	CB436A	9.80	49.00	ჩინეთი, Printermayn Limited
2	HP P1102/M1212nf (CE285A)	50	ცალი	CE285A	9.80	490.00	ჩინეთი, Retech Technology International Limited (Phoenix)
3	HP 1022 (Q2612A)	135	ცალი	Q2612A	9.80	1,323.00	ჩინეთი, Retech Technology International Limited (Phoenix)
4	HP LaserJet Pro M1536dnf (CE278A)	10	ცალი	CE278A	9.80	98.00	ჩინეთი, Retech Technology International Limited (Phoenix)
5	HP LaserJet 1160/1320 (Q5949A)	5	ცალი	Q5949A	12.00	60.00	ჩინეთი, Retech Technology International Limited (Phoenix)

2,020.00

საერთო ღირებულება: 2020.00 (ორიათასოცი) ლარი დღგ-ის გათვალისწინებით

შპს „კოპი რუმი“-ს დირექტორი  
ნათია ჩადუნელი

ნ. ჩადუნელი

